

**Eqqissimatisisarneq aamma allatigut kulturikkut eriagisassanik kulturikkut
kingornussatut illersuineq pillugu Inatsisartut inatsisissaattut siunnersuut**

pillugu

**Kultureqarnermut, Ilinniartitaanermut, Ilisimatusarnermut Ilageeqarnermullu
ataatsimiititaliap**

ISUMALIUTISSISSLUTAA

Siunnersuutip aappassaaneerneqarnissaanut saqqummiunneqartoq

Kultureqarnermut, Ilageeqarnermut, Ilisimatusarnermut Ilageeqarnermullu ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq, Debora Kleist
 Inatsisartunut ilaasortaq, Harald Bianco
 Inatsisartunut ilaasortaq, Andreas Uldum
 Inatsisartunut ilaasortaq, Malik Berthelsen
 Inatsisartunut ilaasortaq, Knud Kristiansen

Kultureqarnermut-, Ilinniartitaanermut-, Ilisimatusarnermut Ilageeqarnermullu ataatsimiititaliaq siunnersummik siullermeerinninneq tunngavigalugu siunnersuut manna misisorpaa.

Siunnersuutip imarisaa

Naalakkersuisut siunnersuuteqarnermikkut kissaatigaat inuiaqatigiinnut pingaarutilit ineriartortinnejarnissaat pingartinnejarpal eqqissimatisassanngortitsinissamik eqqarsaataasut politikkikkut suliarineqarsinnaanissaata periarfissinneqarnissaat. Peqatigitillugu ilanngullugit kulturikkut kingornussanit paassisutissanik uppermarsaatissanillu katersinissamik suliniutinik aallartitsinissamut iluaqutaasussat siunnersuummi anguniarneqarput inatsimmut tunngaviusut sapinngisamik annertunerpaamik eqqarsaatigalugit.

Siunnersuutip Inatsisartuni siullermeerneqarnera

Siunnersuut partiinit tamanit tapersorsorneqarpoq.

Illuatuungeriit soqutigisaasa siunnersuummi nalimmassarniarneqarnerat immikkut sammineqangaatsiarpal. Illuatungaatigut kulturikkut kingornussassat qulakkeerneqarnissaat eqqarsaatigineqassaaq, kiisalu illuatungaani Kalaallit Nunaanni inuussutissarsiornerup annertunerusumik ineriartortinnejarnissaat periarfissinneqassalluni.

Killissarititaasunik Naalakkersuisut qaqqugukkut eqqissimatisinermik qaangiataariinnartassanersut imaluunniit eqqissimatisinermik pioerersumik atorunnaarsitsisassanersut pingaaruteqarmat Inuit Ataqatigiit ersarissarpaat. Tamatuma saniatigut eqqissimatisinerit taamatut atorunnaarsinneqarneranni qaangiataarneqarneranniluunniit Inatsisartut akuliutsinnejarsinnaanerat eqqarsaatigineqartariaqartoq Inuit Ataqatigiit isumaqarput.

Kulturikkut eriagisassanik eqqartorneqartunik soorlu assersuutigalugu inuussutissarsiutitigut pilersaarut eqqissimatisinermiit pingartinneqarnerugaangat Nunatta katersugaasiviata Allagaateqarfialtu paassisutissanik katersinissaminut piffissalerneqarnissaa qulakkeerneqarnissaa Siumumiit pingartinneqarpoq.

Immikkorluinnaq pisoqartillugu eqqissimatisinermik imaluunniit kulturikkut kingornussassatut illersugassanngortitsinissamik Naalakkersuisut qaangiataariinnarsinnaanissaat Demokraatinii pitsasutut isigineqarpoq taamaattorli partiit allat isumaannut isumaqataalluni tassalu aatsaat pisinnaassasoq inuiaqatigiinni ineriertornerup piumasarissappagu eqqarsaatigineqartariaqartoq.

Kulturikkut kingornussassanik illersuinissamik aammalu inuussutissarsiutitigut ineriertortitsinissamik periarfissiisussaammat siunnersuut aqqutigalugu oqimaaqatigiinnerusumik inatsisiliortoqarsinnaanera Atassummiit naammagisimaarneqarpoq.

Ataatsimiititaliap siunnersummik suliarinninna

Tusarniaaneq

Siunnersuut tusarniaasutigineqarpoq ulluni 27. januar 2010-imiit 24. februar 2010-imut (KANUKOKA-p tusarniarneqarnera sivitsorneqarpoq ulloq 26. februar-imut). Siunnersummut oqaaseqaatit attuumassuteqartut Naalakkersuisuniit ilanngunneqarsimanagerat Ataatsimiititaliap maluginiarpa. Nunatta katersugaasiviata Allagaateqarfialtu katersugaasiviup sulineranut piffissatigut sinaakkusiussat pillugit kissatai Naalakkersuisuniit akuersaardeqarsimanagerat Ataatsimiititaliap maluginiarpa. Tusarniaaneq pillugu Ataatsimiititaliaq annertunerusumik oqaaseqaatissaqanngilaq.

Kulturikkut kingornussassat allat illersugaanerat

Eqqissimatisinerit pillugit aalajangiisinnaassuseqarneq soorlu siunnersummi aamma inatsisartut inatsisaanni atuuttumi Nunatta Katersugaasivianut Allagaateqarfianullu inissinneqarsimasoq Ataatsimiititaliap maluginiarpa. Kulturikkut kingornussassanik allanik oqaluttuarisaanermiittunik eqqissimatisineq allatut ittoq siunnersuut aqqutigalugu periarfissaqalerpoq. Tamatumunnga aalajangiisinnaermetut oqartussaaffiup aammattaaq Nunatta Katersugaasivianut Allagaateqarfianullu inissiniarneqalernera taamaallulluni susassaqarfimmi ilisimasaqassuseq tunngavigalugu aalajangiisoqarsinnaanera qulakkerniarneqarmat Ataatsimiititaliap iluarismaarlugu paasivaa.

Eqqissimatisinermik imaluunniit kulturikkut kingornussassat allat illersugaaneranik qaangiataarininniq atorunnaarsitsinerluunniit

Immikkut ittumik pisoqartillugu kiisalu inuiaqatigiit ineriertornerannut tunngavissalimmik innersuussisoqartillugu, Naalakkersuisunut eqqissimatisinissamik imaluunniit kulturikkut kingornussassanik allanik qaangiataarininnissamut imaluunnit eqqissimatisinermik atuuttumik imaluunniit kulturikkut kingornussassanik allani allannguiniartoqartillugu imaluunniit atorunnaarsitsiniartoqartillugu siunnersuut periarfissiivoq. Siunnersummi § 3-imti tamanna takuneqarsinnaavoq.

Naalakkersuisut qaangiataarininnissamik imaluunniit eqqissimatisinissaq pillugu qaqugukkut toqqaasinnaanerat § 3-imut oqaaseqaatini ersarissaneqartoq Ataatsimiititaliq isumaqarpoq. Kulturikkut kingornussassanik kiisalu inuiaqatigiit ineriertornerannut mianerinninnissami

soqutigisallit akerleriissinnaanerat siunnersuummi oqimaaqtigii sarneqarmat siunnersuutip anguniagaanut atatinneqarmat Ataatsimiitaliaq isumaqarpoq. Kulturikkut kingornussassat qangarnitsanit eriagisassanit inuiaqtigii soqutigisaat allat pingartinneqarneruppata kulturikkut kingornussassat upternarsarneqarnissaat pisariaqartoq aammattaaq siunnersuummi qulakkeerneqarpoq.

Eqqisisimatitsinernik qaangiataarininnernik imaluunniit atorunnaarsitsinermi suliassani tigussaasuni Inatsisartut akulerutsinneqartarnissaannik kissaateqarneq taamaalilluni suliassat taamaattut Inatsisartunit isummerfigineqartalernissaannut utaqqimaartarnissaq pissusissamisuunngitsutut Ataatsimiitaliamit isumaqarfingineqarpoq. Sammisami tessani soorlu aamma sammisani allani taamaattoq inatsisitigut sinaakkusiussat iluini soorlu siunnersuummi oqaatigineqartutuut Inatsisartut Naalakkersuisunut pisinnaatitsisummi tunniussisinnaapput. Naalakkersuisut aalajangiussaat periarfissatut kingullertut eqqartuussivinnut ingerlatinneqarsinnaapput.

Pingajussaaneerinninnissamut allannguutissatut siunnersuut

Siullermeerinninnerup kingornatigut siunnersuut arlalitsigut ajornartorsiutitaqartoq allannguutissatullu siunnersummik saqummiussaqarnissamik pisariaqartitsisoq Naalakkersuisut paasivaat.

Qanganisarsiornikkut misissuisoqarnissaata ingerlanneqarnissaanut piffissarititaasoq:
Siunnersuummi § 12 naapertorlugu qanganisarsiornikkut misissuineq sioqqullugu qanganisarsiornikkut naliliisoqarsimatillugu pissutsit § 13, imm. 3, oqaaseqatigiit aappaanni pineqarput.

Qanganisarsiornikkulli misissuineq sioqqullugu qanganisarsiornikkut nalilineq **ingerlanneqarsimatinnagu** imm. 3-imi oqaaseqatigiit pingajuat tassunga tunngassuteqarpoq. Siunnersuutigineqarpoq imm. 3 tassungaannaq tunngassuteqassasoq, sioqqutsumilli qanganisarsiornikkut misissuinerit immikkoortoq 4-imik ilanngussisoqarneratigut malittarisassaqartinnejarnissaat siunnersuutigineqarpoq.

Qanganisarsiornikkut misissuisoqarnissaata ingerlanneqarnissaanut piffissaliussaq piffissamit misissuisoqarnissaanik kissaateqarfiusumit taamatullu aamma piffissamit qanganisarsiornikkut misissuisoqarnissaanik aalajangiiffiusumit naatsorsorneqartassasoq taamaliornikkut erseqqissarneqassaaq. Taamaalilluni § 12, imm. 3-imi qanganisarsiornikkut misissuinerit pillugit malittarisassanut assingusut naapertuutunngortitsisoqassaaq.

§ 32, stk. 1 pillugu (pineqaatissiisutit pillugit aalajangersakkat):

§ 32, imm. 1-imi pineqaatissiisarnermut aalajangersakkani § 7, imm. 4-imi aalajangersakkamut innersuussisoqanngilaq, taamaattumillu aalajangersakkamik tassannga unioqqutitsisoq akiligassillugu pineqaatissinneqarsinnaassanani. Tamanna pissusissamisuunngilaq. Allannguutissatut siunnersuut taamaalilluni pineqaatissiinissamut periarfissiisaq, taamaattumillu § 7, imm. 4-imi aalajangersakkap unioqqutinnejarnera, § 19, imm. 3-imi kiisalu § 25, imm. 3-imi siunnersuummi aalajangersakkanut taakkununnga assingusumik pineqaatissiisoqarsinnaalissalluni.

Siunnersuutip kalaallisuuua pillugu:

Siunnersutip kalaallisoortaani naqinnerit arlalissuit kukkunillit kiisalu oqaaseqatigii
pisusissamisuunnginnerat paasineqarpoq. Qulaani taaneqartut pillugit allannguutissatut
siunnersutip saqqummiunneqarneranut atatillugu taakku aaqqinnejartariaqarput.

Qulaani pissutsit aaqqinnejartariaqarnerat Ataatsimiititaliamit isumaqatigineqarpoq
Naalakkersuisullu allannguutissatut siunnersummik pingajussaarinninneq pitinnagu
saqqummiussilrsaarnerat Ataatsimiititaliap iluarisimaarlugu paasivaa.

Inassuteqaat

Ataatsimiititaliap **isumaqatigiittup** siunnersutip Naalakkersuisut allannguutissatut
siunnersutiginiagat ilanngullugu **akuersissutigineqassasoq** inassutigaa.

Ataatsimiititaliap taama oqaaseqaateqarluni siunnersut Inatsisartunut
aappassaaniigassanngortippaa.

Harald Bianco

Debora Kleist

Andreas Uldum

Malik Berthelsen

Knud Kristiansen